



SIARAN MEDIA

KEMENTERIAN BELIA DAN SUKAN



KBS : 55/2025

UPNM DESTINASI KEENAM SIRI JELAJAH RAKAN MUDA TURUN KAMPUS 2025

1. **YB Hannah Yeoh, Menteri Belia dan Sukan** telah menghadiri Program Rakan Muda Turun Kampus siri keenam bagi tahun 2025 bertempat di **Dewan Zulfaqar, Universiti Pertahanan Nasional Malaysia (UPNM), Kem Perdana Sungai Besi, Kuala Lumpur** hari ini.
2. Program Rakan Muda Turun Kampus merupakan program khusus yang membolehkan penuntut **Institusi Pendidikan Tinggi (IPT)** menyampaikan aspirasi, pandangan dan idea tentang pembangunan belia dan sukan secara terus kepada kepimpinan tertinggi Kementerian Belia dan Sukan (KBS).
3. Inisiatif ini selari dengan nilai teras **Keyakinan dan Ihsan di bawah konsep Malaysia MADANI** yang menekankan harapan dan kepentingan mendengar suara belia, menyantuni keperluan mereka serta memberi ruang untuk mereka menyumbang secara langsung kepada pembangunan negara.
4. Objektif Program **Rakan Muda Turun Kampus** adalah untuk:
 - 4.1. Menyampaikan maklumat terkini mengenai dasar, inisiatif dan tindakan yang diambil oleh Kerajaan terutamanya yang melibatkan pembangunan belia dan sukan;
 - 4.2. Memberi peluang kepada belia untuk menyuarakan pandangan berkaitan isu-isu pembangunan belia dan sukan; dan
 - 4.3. Menyantuni belia di IPTA/ IPTS bagi memperluaskan pelaksanaan Gaya Hidup Rakan Demokrasi.

5. Sebanyak **10 Program Rakan Muda Turun Kampus** akan diadakan sepanjang **tahun 2025 dan seramai 5,000 orang pelajar** dijangka terlibat dalam program ini. Program ini turut disemarakkan dengan aktiviti interaktif yang dikendalikan oleh **Bahagian Pembangunan Rakan Muda, Jabatan Belia dan Sukan Negara (JBSN)** dan disokong oleh stesen radio **RAKITA**.
6. Pelaksanaan Program Rakan Muda Turun Kampus ini diharap dapat **memperkukuh identiti dan perpaduan dalam kalangan pelajar IPT**, membina jaringan kerjasama merentas institusi, dan mendapatkan input secara langsung dalam usaha KBS merangka strategi pemerkasaan program belia.
7. Selain itu, YB Menteri Belia dan Sukan turut menyaksikan **Sesi Menandatangani Surat Niat (LOI) bagi Tujuan Kolaborasi Strategik di antara Universiti Pertahanan Nasional Malaysia (UPNM) dan Majlis Sukan Negara Malaysia (MSN)**. LOI antara lain menyentuh mengenai:
 - 7.1 Pembangunan program akademik secara *Work-Based Learning* (WBL) untuk meningkatkan daya saing serta memperkukuh kebolehpasaran para atlet melalui pengiktirafan kemahiran, pengalaman dan kepakaran melalui pemetaan kerjaya kepada kurikulum akademik;
 - 7.2 Menyediakan akses pendidikan tinggi kepada warga MSN, atlet serta jurulatih dengan pengalaman kerja yang relevan tanpa kelayakan akademik formal melalui laluan APEL.A;
 - 7.3 Menawarkan peluang kemasukan kepada program-program yang ditawarkan di UPNM kepada atlet dan jurulatih melalui saluran komersial; dan
 - 7.4 Bidang atau skop lain yang akan dipersetujui oleh Pihak-Pihak.

8. Program ini turut dihadiri oleh **YBhg. Lt Jen Datuk Arman Rumaizi bin Haji Ahmad, Naib Canselor UPM, YBrs. Encik Jefri Ngadirin, Ketua Pengarah MSN dan YBrs. Encik Sabran bin Abd Bahar, Pengarah Jabatan Belia dan Sukan Wilayah Persekutuan Kuala Lumpur.**
9. Untuk sebarang maklumat lanjut berhubung **Program Rakan Muda Turun Kampus Tahun 2025, JBSN** boleh dihubungi melalui **03-8871 3324/ jbsn@kbs.gov.my.**

**UNIT KOMUNIKASI KORPORAT
KEMENTERIAN BELIA DAN SUKAN**

